



V Vilhelmus filius fuit Vuilhelmi domini Rapolsteini, & Iohannæ comitiſſæ in Neuschettin, natus is est anno 1464 in arce antiqua, quæ à uetere principum familia Rupem Spoletinã uocant; quæ hodie truncato nomine Rapolstein cõmuniter dicitur, unde etiam hæc illuſtris familia de nominata eſt. Ab ijs parentibus Vuilhelmus prognatus, & in omni genere uirtutum educatus eſt. quamprimùm uerò adoleuiſſet, more maiorũ Hieroſolymã contendit, ut ſaluatoris ueſtigia uideret, atq; in primis regnum Dei quæreret. poſtea uerò Maximiliani cauſam cõtra Venetos fortiter defendit. Vnde etiam huic Cæſarea Aquila ad Paduę op

pugnationem commiſſa. Vt autem belli tempore ſtrenuus dux, ita pacis magna prudentia conſpicuus. hinc factum quod Maximiliani Cæſaris curiæ præfectum diu egerit, atq; trium Cæſarum Maximiliani, Caroli, & Ferdinandi ordine intimus conſiliarius extiterit, & res magnas ſibi commiſſas dextrè expedierit. In Vngaria quoq; aliquoties feliciter contra Turcas pugnauit, & ordines ducendo magnam ſibi authoritatem conciliauit. inde factum, quod à Cæſare præfectus ſuperioris Alſatiæ, & Curiæ in Enſiſheim præſes conſtitueretur. eam functionem is ſingulari dexteritate peregit, & tumultu ruſtico exorto anno 1525, eos compeſcuit, & ſeditioſos puniuit. Cum hoc modo ad ſummã ætatem, ipſumq; 83 annum ueniſſet, atq; Huldrico filio mortuo (quem ex Margaretha uxore comitiſſa in Bitsch & Zuueybruck genuerat) Egenolpho nepoti ſuam prouinciã commendaſſet, anno ſalutis 1547 poſt Cæſaris in Germania uictoriã, quem unicè amauiſt, & à ſuis honorificè ſepultus fuit. Anonim.